

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

補編第二五冊目次

皇明名臣琬琰錄三十二卷(二)

〔明〕王世貞輯
明鈔本

一

國朝殿閣部院大臣年表十八卷附年表一卷

〔明〕許重熙撰
明崇禎刻本

二六一

皇明將略五卷

〔明〕周弘祖撰
明刻套印本

三四三

蘧編二十卷

〔明〕葉向高撰
明崇禎刻本

四四五

李溫陵外紀五卷

〔明〕潘曾紘輯
明末刻本

五九一

印人傳三卷

〔清〕周亮工撰
清乾隆鈔四庫全書撤出本

六六五

博陵尹氏家譜不分卷

〔清〕尹會一修
清乾隆三年刻本

七〇一

皇明名臣琬琰錄三十二卷(二)

〔明〕王世貞輯

明鈔本

浙江圖書館藏

瑯琊 王世貞

劉長吾墓表

楊士奇

陳祚公墓表

吳寬

劉公季道墓誌銘

胡廣

王府君佐墓誌銘

崔公仲玉墓誌銘

薛瑄

崔公行狀

薛瑄

按察司僉事陳君墓碣銘

楊士奇

廷嘉陳先生墓表

王慎

附錄

劉廷美傳

南山黃公墓碣碑

楊守成

靜齋邵先生墓表

李東陽

允異鄭先生墓碑銘

王慎

姚君秀夫墓誌銘

邵寶

山南葉公墓誌銘

王度

立齋宋公墓表

林俊

按察司僉事尹公墓誌銘

李東陽

按察司僉事蕭公墓碑銘

吳寬

按察司僉事蕭公墓誌銘

李東陽

按察司僉事楊君墓表

王鏊

故廣西按察僉事劉長吾墓表

揚士奇

永樂壬寅十二月十八日廣西按察僉事劉長吾卒於北
京長吾吉安永豐人發身永樂壬辰進士永樂以來進士
歷七科唯辛卯壬辰兩科取士最少就試皆三千人而所
選皆不過百人然兩科之士其初擢官顯要者最多至其
後有政譽者亦多長吾其一也長吾諱某以字行系出晉
安成太守劉遜世業儒祖思恭父子頌毋李氏長吾幼穎
異好學治書經年二十九舉進士歷事都察院諭罕擢廣
西按察僉事長吾居官有廉潔之行達於大體為政簡而

此葉原缺

福建等處提刑按察司僉事吳縣陳祚公墓表

長洲吳寬撰

宣宗章皇帝之臨御也知人善任小大之臣各當其才庶
事既康四海益治時則有若監察御史陳公祚出巡江乃
獨為聖學之慮且疏馳奏大畧謂帝主之學先於明理在
於讀書蓋聖賢嘉言善行載在典籍皆是以為後世師法
若非素加講習則於理未盡明雖有知人之賢高世之見
欲其行事之悉合於道者鮮矣陛下備有聖德惜經筵之
典未甚興舉講學士之功少有程度故所講者雖得於此
或未得於彼雖知其一或未知其二而於聖賢精微之蘊
古今治亂之由豈能周知而洞察乎而所謂學尤貴乎知
要知要則治功易成而效可得惟宋儒真德秀大學一書
其言明白懇切凡聖賢之格言古今之實跡無所不載陛
下欲致太平舍此書不可願於聽朝之暇命儒臣講說非
有大故不可間歇使知孰為邪佞之可遠孰為民利之可
興孰為民害之可革古今若何而治若何而亂政事若何
得若何而失必能開廣聰明增光德業而忠賢以道義
輔德者愈見於信任邪佞以奇巧蕩心者自見於踈遠天
下之民受福無窮矣上覽公奏已有以欵和佞等語若有
川指者疑焉他日以問侍臣或叩首為婉詞以對且謂作

緣於忠愛所發無他上意稍解先是有旨掖公赴京拜籍
其家比至至竟不忍加刑特繫之獄英宗即位察公忠直
復其官盡還其家屬云公諱祚字永錫世家于吳曾祖翠
而祖正父子敬母顧氏公幼即不郡弱冠補郡庠生永樂
初詔脩大典以善書預選非其志也明年遂以春秋領鄉
薦又二年登進士第入翰林為吉士時方重進士科即拜
河南右叅議為政持大體惠愛在民嘗與臬司官交章言
事謫均州太和山佃戶至則躬自耕作其勞苦有人所不
堪者而處之裕如同謫士大夫遣子弟從受經一為諸解
不倦凡十年仁宗即位念謫者才多可用詔吏部選起之
公在選中會上晏駕不果用宣宗初年仍命憲臣即均州
郡試之公策第一吏部覆試復第一特擢山西道監察御
史公在言路愈自激厲一時彈劾貴幸為之歛蹟出巡福
建糾貪黜庸自方嶽而下不少假借所至尤恤民隱福州
屬縣民苦上官和買破產不足供公廉知其弊即日禁之
民大稱快歲滿還朝奏開白塔河漕粟事宜悉見施行未
久河就湮塞劾督工役者上雖曲宥其人而在廷多公直
既乃有江西之行而繫獄者幾年始獲復官再巡湖廣
風力愈勁部下肅既而言遼王不法事上怒甚復械赴京
論死未幾事竟驗卒直公原之因改南京雲南道益務見

明戶部侍郎吳奎奏舉主事吳悅悅有過不得舉重被劾
鞠獄者因以私憾附致其罪悅亦不勝考訊而死公歎曰
獄重事也法司故為深刻乃爾今災沴荐臻職此之由乞
生其人以變亂成法罪大理休何宜併罪之奏可以犯在
赦前幸皆不生仍赦天下法司一遵律斷當以徇私深文
為戒秩滿用大臣薦擢僉福建按察司事閩人素知公至
是相戒不敢犯法諸軍衛屬民者八病絕之民益安焉分
巡興化漳泉等郡郡蕃多神詞為考其建置之由諸不載
祀典與非古節義繫民教者悉除毀之其廟學壇宇出官
帑一新士民感之為記刻于石久之寇起沙尤諸郡騷然
公時移疾不出刑部侍郎薛希璉巡撫閩中知公賢強起
公為力疾視事者數月閩既無警辭曰其身發歲即涉仁
途雖庸陋無補苟有所見不敢不盡今年幾七十且病無
能為矣因疏請致仕時同官以寇起皆貶斥去乃獨得請
而歸閩人雖不忍去分而亦為公榮之既歸自號退翁杜
門却掃日惟以訂經籍立家法為事益年七十五而終景
太七年二月癸丑也以是年十二月庚申葬於吳山桃花
塢之原配王氏子男一日寧新野王府教授文二長適辰
州知府節順次適太常少卿凌信孫男二曰懷曰悅悅即
庠生女一公為人風神整峻音吐剛厲平生雖疾惡少容

然居官遇賢能吏輒薦舉之尤號有識鑒出巡時兩值鄉
舉如湘陰魯文蔚陽河潛賴公鑒臨得不枉抑後皆知名
於世若其他事死之孝治家之禮臨財之義為學之勤益
終其身如一日者其詳國有志家有傳墓有銘可以槩見
寬獨循教授君之情按中書舍人李君應禎之狀抑其處
之大畧未于墓道而復系之曰嗚呼公平古之遺直也其
中誠激發與唐劉去華等而考其前後殆有甚難者盖方
脫均州之謫士之厭窮阨者孰不縮首卷舌退藏於後以
自全能復進言已難矣况言之所指隱然時弊以取必也
之禍是固尤難也幸其出一生於九泉雖古之好奇節者
知府懲艾而藩府之疏不旋踵而入此不亦尤難矣乎夫去
華之言雖剴切止於一落第不竊公言若少緩其祿則入
至其剴之而氣愈壯推之而節彌堅此可見其中卓然有
得而非沽一時之名悅倖苟且以塞責者之所為也孔子
曰邦有道危言危行抑下惠曰直道而事人公其有之

故奉議大夫浙江提刑按察司僉事劉公墓誌銘

胡廣

國初廬陵諸君子仕於朝其聲光炳耀卓然為時所稱譽
者無慮數十人而劉公季道其一也公以明經被薦初拜
起居注遇事知無不言竭盡誠悃首發御史大夫陳寧奸
深為

上所信重嘗隨 駕幸中都度清池閱

上賦詩命百官和公獨先就有治定不教生縱逸功成猶

遣歷問閔之句

上覽之曰有安不忘危之意賜白金二十兩綵段二端未

幾拜浙江提刑按察僉事決積歲治獄六百餘起有牽於

文繫者平反尤多民以無冤咸嗟服之此其卓然有聲稱

者竟為陳所御傳致其死時洪武六年月日得年四十有

九公諱宜正季道其字其先沛人唐末自沛官末五季之

亂由表徙吉居永豐灞溪曾祖諱某兩領宋清舉授新塗

縣丞祖諱某恒山縣令父諱奇相元至治癸亥領鄉薦為

東湖書院山長吉安路儒學正撫州路儒學教授母張氏

公居幼穎敏過諸兄八歲隨父居東湖讀書聲琅琅聞于

外賓客往未應對閱習人多譽之九歲喪母哭泣逾哀十

三喪父居喪毀瘠不勝始事鄉先生劉惠心繼從山泉解

先生二先生咸異之時卽守開堂試公年十八就試中高
等獲綵綺二既而持所學試于有司再不科有得其文請
之曰如此而見擯乍命也李道 辱公曰吾學未至耳非
有司病吾元李天下繹駭其交梁某為福建招討託致其
母扶持兵革間出艱難致其母子相見某拜公曰微公其
孰能致吾母終身不敢忘德嘗與姻戚居逆旅忽得疾公
親為調藥餌既死公抱之而哭解衣塋之所遺金悉以歸
其子兄弟四人長潛先沒惟仲兄存公迺至家養之比其
沒塋祭皆盡其情無子以次子為其後公娶邑曾氏賢而
有婦行自公沒惟以教子為事子三人長曰忠次曰勗幼
曰肅字子欽于欽登永樂二年甲科為名進士入翰林為
庶吉士其文學為儕輩所推讓女一人適某孫男六人文
二人距公沒三十餘年將卜塋于某山之原子欽始以狀
未請銘謹按狀而銘之銘曰
嗚呼劉公挺然之英政事文章焯有時稱發奸之言揚于
大廷巨蠹一閔膽落鯢驚諷辭戒逸治定功成至誠有勳
錫賚寵榮載歷風紀激濁揚清事有失頗公其平伸抑理
以獄無歎聲奸臣御公頃不忘情傳致公死惡害公生
有不沒死則公寧公天既定彼奸曷勝以磔以裂
八子聖明公憾既釋烈日薄冰彼奸鬼域公猶列星有燁

兵芒南極長庚伊彼鬼域稔其穢服有北對虎以草不憎
公有令子式克繼承以昌家學甲科幸登庶或在茲報公
冥冥有封如堂以妥公靈爰伐貞石鑲不朽銘百世之下
斯文是徵

故奉訓大夫僉提刑按察司事王府君墓銘

濠梁王佐其先府君之歿越六年矣今奉工部主事杜君
環狀來徵墓門之銘不覺為之愴然而悲蓋當 皇上飛
龍淮甸定鼎江表弓旌四出旁招俊乂濼時應聘而起推
典儒堂而府君亦扶策棘門思知勛業自砥礪薦紳之士
多削目禮之濼雖不泛與人交聞府君崇論却議亦未嘗
不傾卑而聽及退每自愧自歎以為弗能及自後離合靡
常迨濼再召入禁林府君已作土中人載感疇昔銘歆不
作可乎按狀府君諱濼字習古濠州定遠人曾大父某大
父某皆肥遯丘園人號善士父子良敏給而多智定遠令
酷愛之俾為書佐未幾補吏尉司遷霍丘縣以積勞升安
豐府史達官知其能辟為河南行省理問掾未命而終少
蔣氏府君嗜讀書知彞倫大義習為聲詩音節韻趣皆有
法推擇其定遠縣吏出謀發慮皆中肯綮令長以賓禮遇
之元季政爭豪傑並起府君拊髀歎曰事急矣保宗族以
拯黎民可也乃走穎毫說其軍帥曰民罹虐政不得已起
為亂矣當思有以靖之度劉人以逞所謂如水益深如火
益熱者也無乃不可乎軍帥聞其言以為才交薦之擢萬
人長五轉至工部尚書非其所好也當是時盜稱名字者
烏合之衆散漫無統所經之處唯務焚掠千里為瓦礫

君察之度必無所成謂所親曰區區豈欲從戎哉奮不
顧身出綸虎鬚者志欲生烝民也今若是猶魚游釜中耳
竈火已燃尚自謂得計耶吾聞 真主已建都金陵寬仁
愛人四方之民爭引領望之不去禍將及於是乘間聚家
南濼府君之婦兄大師李韓公善長時已在 上左右亟
言之 召見於青龍殿與語大悅會新設執法議理司方
將選人以授遂 詔為執法官府君悉心詳繳務協厥中
人稱為平允丹陽令白齊因公致罪當棄市府君以情可
矜恕敷奏 上前得貸死知應天府王子謙生事搆梁
者父府君惜其材議從未減由是 上簡注之深陞為中
管且纓正色立於庭我竭其誠嗚呼唯行之腴契道之符
不亟不徐循序而詳趨其亦有識之吉士也歟

明故奉議大夫山東按察司僉事崔公墓誌銘

薛瑄

山東按察僉事崔公卒于官得返葬故鄉其第理奉公行狀請銘于其兄同官河東薛瑄謹按狀公諱碧字仲玉永平昌黎人大父彥名祖妣齊氏名有德德鄉人嘗被兵無食彥名以其家積穀千餘石貸與之食兵息取券焚棄一無所責償父得母齊氏生四子長即公次叔瑛次叔璘次即理公少有美質大父母父母時愛之遣充縣庠弟子員習經史舉業中永樂十五年鄉試登辛丑進士第宣德初拜交趾道監察御史立事舉職強幹不屈藉籍有聲速國家推恩例封父得文林郎交趾道監察御史母齊氏封孺人時公大父母俱高年安好無恙父母又皆顯受棗錫公嘗衣繡歸省于家祖子孫三世一門壽慶光顯鄉邦以為榮正統紀元調行在江西道監察御史明年為廷臣薦擢陞今職分巡部屬剔滯奸垢振弊紀綱事以無墜竟積勞成疾以卒正統四年十二月二十三日也享年四十九又九美先是公有疾因念大夫人已卒大父母俱年老在故鄉不得朝夕見愈憂思不置遣理往迎之既而大父暨御史君俱弗克來獨母孺人至公與疾迎郊外相持感泣不已疾遂增章公初娶張氏早卒贈孺人再娶劉氏泰州同知

浩之長女封孺人公存日嘗命理之子善聚後已公沒理如其命善聚甫四歲幼不任事理奉公柩歸以正統五年四月初二日塋于故里司家莊鵲鳳山之先塋銘曰胡豐其姑胡貴其終命實為之嗟嗟乎崔公

山東按察司僉事崔公行狀 薛瑄

公諱碧字仲玉姓崔氏永平昌黎人大父彥名隱德不仕太夫人齊氏父得母齊氏生四子長即公次叔琮叔瑋次理公生洪武二十四年十一月二十九日幼有美質其大父母父母遣入縣庠讀書習舉子業中永樂十五年京闈鄉試卒業成均登辛丑進士第宣德初授交趾道監察御史當官寥寥有能聲正統紀元調行江西南道監察御史明年為正統二年為廷臣薦陞山東按察司僉事分巡濟南道勾稽文移欺瞞滯弛摘劄奸猾巧計中傷大齊以武而以寬濟之民吏咸畏服四年夏蝗生所部公行視督捕立絕時大暑燥蒸遂感疾歸藥石攻砭百端病勢不可救公病中念太夫人既先卒大父暨父母遠在故鄉正俱充不可見因遣理往迓之獨齊孺人來公強疾迎郊外相見哀感流涕疾益增劇是年十二月二十三日卒于正寢公性孝天喜賓客雖貴不忘故舊故其卒也皆痛悼焉公先室張氏繼室劉氏秦州同知之長女公存日嘗謂其弟理曰以而子善聚繼我後公理知其命公父封文林郎交趾道監察御史母封孺人先室贈孺人繼室封孺人俱以公貴葬有日謹具公之家世歷官行事狀求作者以圖不朽

奉議大夫廣西按察司僉事陳君墓碣銘

楊士奇

嗚呼吾邑陳公延世何可多得也自其童冠時吾已期之遠且本永樂初京師下第而歸也余為文勵之且舉公燕以勵揚陳及鄉人之子及公延取科第擢贊藩憲於是人皆期之遠且大也蓋於其立身之艱勵志之確有以觀之矣公延吾外兄陳仲述之子仲述在寬臺十年廉介之操平恕之政焯著一時其卒也無一縷之蓄以庇其後仲述子男惟公延一人父喪載數歲母子依其叔歲餘母卒公延栢栢踰躅困頓有人所不堪者然日益寃知其父之行也進士福建道監察御史母曾氏鷗江先生棟可孫公延娶張氏永州府學教授孟愷之女子男一異女一媳楊靜安孫男二儼傑公延每思念父母輒悲咽事其叔父母如父母處其從兄弟盡敬愛慎支處於親戚朋友緩急必赴於利未嘗苟取然能損己以周人其卒也貧如其父初其父與叔同有先廬遺址頗裕父死叔之子益衆公延不能蘇赴延之赴廣西也過家拜叔或導之曰益自言於叔可少得也公延曰我無父又敢傷叔父意不言而去公延卒後數年節使者至泰和聞其妻孥顛沛失所召詢其叔始得尋甸地苟棲息焉可以觀其遺後者矣公延治詩春秋

高文簡當於辨議是非和正必自出意見不肯依隨善施

教其學者往往舉進士去蓋考其居家官無一行不當於

古人非用世之良者乎仕非不違美而不久於位不究其

何可惜歟彼有蒙垢履汗無益有損於時而自少壯揚

揚至白首者又何理歟抑皆出偶然歟則有秉德抱才待

歎效於世者何所恃乎吾皆不得而詰也吾仕兩京四十

年今年始一至鄉里過公延家追憶其為人又備求揚陳

兩家與凡鄉人之子弟有能少艱卓立如公延者皆不見

也益用惘慨因述公延平生大畧為銘其墓銘曰

吁廣右僉憲陳君之登其源之激其履之貞其歸之寧

路長願短噫余其銘

江西按察司僉事陳先生墓表

王傑

先生姓陳氏諱璉字廷嘉台州臨海人也父某福清教諭

毋虞氏先生生有異稟自少有志聖賢之學比長益深造

諸永樂戎子浙江鄉試已丑會試名皆在第一時 車駕

巡狩北京待橋門與蕭公時中輩倡和有橋門聽雨詩幸

卯廷試賜進士出身改翰林庶吉士未幾坐郎中盧信事

繫獄選劇疾弟深入侍因感疾卒先生哀之然未嘗歸怨

於盧久之事白授檢討預修五經四書性理大全參攷漢

唐以來儒先之說折衷之而一以瀟洛諸儒為準書成以

疾乞歸就醫杜門却掃者十五年方嶽大臣咸禮於其廬

即守程侯賢周侯旭鑑尤敬事之民有歐某者以貧故誅

惟於法程款實重辟賴先生之言得減死周用法尤嚴頑

嚚弗卒者多杖殺之民懼求校改周猶敬察某既任先生

曰改行從善此在小人所難而猶有不免恐絕其自新之

路頑民聞之益感愧圖自新閭里有訟求一言為決士大

夫不幸無過而幸不見棄於先生蓋雖校閭置散而能以

言成其俗正統丙辰禮部聘同考會試竣事復乞歸執政

為起之陞廣西按察僉事授 敕提督學政纔五閱月嶺

南數千里風化一新丁教諭公憂哀毀骨立廬于墓側服

除改江西江西士類素景其風爭自磨濯以求見錄學宮
舊有文昌祠悉命撤之滿三載懇乞休致既抵家益謝絕
一事惟以成就後學為務前後及門者多去為聞人顯官
推其平日所得於師者以用於時以不畔於道大率其為
教以躬行為本不徒在於文詞之末也先生博通經史為
文章與則為詩亦雅澹無綺麗語所著有集若干卷行世
先生家素貧而事母極甘脆母樂其食以壽考終而先生
亦年踰七十矣晚年家益貧然急於行義嘗戒諸子遇貧
乏者宜隨力賑之不必計其多寡若須富而後行恐吾儒
終無濟人之期知縣孫振望嘗往見先生顧其廬歎為
葺治且請令庖人繼肉先生皆峻卻之惟以毀淫祠除宿
弊數事為言曰使一邑安則遜也受賜多矣娶蔣氏繼蔡
氏子男四長孫由新塗訓導陞南京翰林孔目次貢次渙
癸酉貢士次滕文三孫男十四曾孫男一天順甲申今
上登極詔進階朝列大夫明年成化改元正月癸酉先生
卒春秋八十有二其年十二月庚寅葬梅浦壑坑山之原
孫既求文以銘其墓矣至是先生之門人監察御史栢蒼
趙連又屬予表其墓曰嗚呼理學之不明于時久矣士方
窮時繕章繪句以求合程度為工其幸而中有司程度又
惟展采錯事以期陟幸要為榮其於所謂窮理以盡性行

義以達道蓋非徒不知為而亦不暇為也先生自永樂宣
德以來以理學倡明于時其立朝之日雖淺任雖未至於
道顯然天下士皆知有先生名一時稱功名之盛語文章
家或說畏而心不敬而獨於先生知嚮慕焉然卒未聞有
率而由之者豈故習易而抑其所謂嚮慕之者或未之篤
耶予故列而書之以重為來學勸云

劉廷美傳

劉珏字廷美長洲人宣德中郡守况鍾簡名家子為掾珏在選中珏言有志於學不願為吏鍾嘉其志遣補縣學生遂領應天鄉薦授刑部主事遷山西按察僉事提督屯田年甫五十懇乞致仕珏性孝友恭謹未嘗失色於人然操履清白人不得以私干之至於好學之心老而不倦尤工唐律對偶清麗當時稱為劉八句於草師李彞畫師王叔明皆能得古人筆意所著詩曰完卷集

湖廣等處提刑按察司僉事南山黃公墓碣銘

四明楊守成撰

山環吾郡而其南若金金峨諸峯尤峻秀先生樂之故自號南山而學者稱南山吾先生無異先生嘗仕有官階美皆不稱其官獨舉其號而先生之者崇其道也先生之道性于天而成于自得其學以聖賢為一鵠以知行為兩輪甯曰學聖人一分便是一分好人又曰明在務在讀書制行要當謹獨此其所以學而道也方其少時已負文行之譽及其壯強益修耄老不懈德足重於眾功足昭於時言足立於世其可謂有道而甚文者歟先生諱潤玉字孟清世為鄞人曾祖長卿仕元蠲浦巡檢祖啟翁隱鄉按徒父良以先生貴贈文林郎行在文趾道監察御史母嚴氏贈孺人生母史氏封太孺人先生方五歲侍母病夜不就寢家人已稱其孝六歲就生立屹然不與却兒狎書過目輒成誦師奇之十歲行道遺金不拾途人悉嗟異歲十二聞郡守王公璉聲舉鄉飲酒禮于郡庠往觀之默識其儀歸書于冊師愈奇之歲十有三時改元求樂命江南富民實北京其父當行先生詣官請代官少之對曰父去日益長官吳而從之年抵京校廬北城外十里所沙漠寒茫茫無人煙先生與同役築室成比閭傾警給徭賦懇圓齔甄以

為生人不堪其劬瘁先生安之稍隙輒肆力於學以已心為嚴師而勤造于賢聖擇然後語確不可易焉揆然後動端無所苟焉京有富翁僅一女招先生寓宿其家而同賈先生辭或問之曰瓜田不細履也其慎行若此里中弟子多從之因數且學間為文辭不作衄屨新刻之語而里致洲求人喜誦味之補郡庠生京闈鄉試程禮經魁會試授建昌府學訓導丁文林公憂改訓南昌府學蔚有聲績為拜行在交趾道監察御史出按湖廣罪斥著臬縣之不職者至百有廿人威望赫然英廟即位以學政棄地命廷臣舉有學行者為憲臣以董之楊文貞公以先生薦遂陟廣西按察司僉事屏浮薄獎俊賢士風丕變時寇起軍興都指揮吳某妄掠于萬餘口先生劾而歸之副使李立入民死罪且數百人亦為辨出之萬口稱快南丹衛在萬山中瘴甚戍卒戕死或幾平尚奏徒於夷曠之地人感之至今丁史孺人憂改湖廣按察司布憲亦嚴巡撫都御史李實張甚藩臬皆折節下之先生獨無加禮而連黜墨官二人又皆其鄉戚也故發憤誣奏先生不諳刑律先生弗辯也左遠和州含山知縣凌麻湖以復道租閭虛場萊其積弊淫均訟平民感悅之請老致仕導以子隆資封承德節南京刑部廣東司主事閑居簡出日惟玩味經義無厭足平

生著述甚當以朱子嘗欲編禮記附儀禮過取儀禮折為四卷而以禮記比類附之不類者附諸卷首末亦各有意義又以五禮獨缺軍禮因取周官大田禮補之而以禮記諸篇載田事者附焉別為一卷通五卷皆為之註釋總曰儀禮載記附註以小學四書諸經註家或遺或誤經書補註以大學中庸皆淵奧揆庸學通旨以禮記深衣制十有幅鄭氏誤註為裳而玉藻長中繼撓尺註亦誤撰考定深衣古制以四明新志蕪穢撰寧波簡要志以道德經陰符經古註皆昧各為之註嘗因安遠候柳溥問古兵法為註孫子其他倫理事曰南山錄雜著詩文曰稿皆藏之家居二十載書八十有九而卒詩成化丁酉五月二日也卜某年某月某日葬某處陰具狀屬余銘嗚呼詩有之雖無老成人尚有典刑老成人之重於典刑也尚矣吾鄞風俗自古樸淳大里之高節董漢之純孝可徵也宋慶曆淳熙以來諸老傑出未以馴行闈以正學既駁駁于古矣有國初士猶修德行礪名節尚道學而文藝仕進不甚貴之逮于今則文藝日以盛仕進日以繁而向所謂德行名節道學者或莫知者於是老成人獨謝盡矣而先生歸然若魯靈光之獨存後生小子有志於古者尚可憲而乞焉今亦已矣噫可痛哉先生性剛介寡交游其所稱許者四方